

BOSNA I HERCEGOVINA  
FEDERACIJA BOSNE I HERCEGOVINE  
ZENIČKO-DOBOJSKI KANTON  
OPĆINSKI SUD U TEŠNJU  
Broj: 39 0 K 074859 24 K  
Tešanj, 26.08.2025.godine

### **U IME FEDERACIJE BIH!**

Općinski sud u Tešnju, po sudiji Besimi Ajanović, uz učešće zapisničara Hadžan Ninela, u krivičnom predmetu protiv optuženog P. M. zv. „R.“ sin M. iz V., M. L. broj 229, zbog krivičnog djela „Neovlaštena proizvodnja i stavljanje u promet opojnih droga“ iz člana 238. stav 1. KZ F BiH, po optužnici Kantonalnog tužilaštva Zenica broj: T04 0 KT 0052055 24 od 27.08.2024. godine, nakon održanog glavnog i javnog pretresa dana 30.07.2025. godine u prisutnosti Kantonalne tužiteljice Ahmetlić Amre, optuženog P. M. lično i njegovog branioca Hadžidulbić Nira, ispred Kantonalnog Zavoda za pravnu pomoć, donio je i javno objavio u prisustvu KT Zenica, optuženog i njegovog branioca, dana 30.07.2025.godine, sljedeću:

### **P R E S U D U**

#### **Optuženi:**

**M. P. zv. „R.“**, sin M. i majke U. rođene Č., rođen 23.04.1986. godine u O., nastanjen u V., M. l. broj 220., pismen, sa završenom SSS, po zanimanju trgovinski tehničar, neoženjen, zaposlen, lošeg imovnog stanja, po narodnosti Bošnjak, državljanin BiH, JMB: ..., osuđivan presudama Općinskog suda u Orašju zbog krivičnih djela iz člana 286. stav 2. KZ F BiH, člana 287. stav 1. tačka a) KZ F BiH, kojima je osuđivan novčanim kaznama, uvjetnim osudama i kaznom zatvora, presudom Osnovnog suda u Modriči zbog krivičnog djela Teške krađe iz člana 232. stav 1. tačka 1. KZ RS, kojom je osuđen na uvjetnu osudu, presudama nekoliko sudova u Njemačkoj zbog krivičnih djela krađe, nedozvoljenog posjedovanja opojnih sredstava, namjerne vožnje bez vozačke dozvole, prevara, utajivanje usluga, kojima je osuđivan na kazne zatvora,

### **K R I V J E**

#### **što je:**

dana 08.02.2023. godine, oko 17,30 sati, na području općine T. u mjestu K. u, dok se nalazio u pmv marke „VW Passat“ reg. oznaka K27 A232, kojim je upravljao N. H., suprotno odredbama člana 4. stav 1., 2., 3. i 5. u vezi sa članom 19. i 20. Zakona o sprečavanju suzbijanju zloupotrebe opojnih droga („Službeni glasnik BiH“ broj 8/06, 103/08 i 51/11),svjestan svoga djela, što je i htio, radi prodaje neovlašteno držao opojnu drogu i to: prozirnu pvc vrećicu sa sadržajem rasute zeljaste materije zelene boje neto mase 11,651 gram, četiri prozirna pvc paketića sa sadržajem suhe zeljaste materije zelene boje neto masa: 0,755 grama, 0,838 grama, 0,881 gram, 0,879 grama i jedna prozirna pvc vrećica vezana u čvor sa sadržajem suhe zeljaste materije zelene boje neto mase 43,350 grama za koje materije je vještačenjem utvrđeno da sadrže psihoaktivnu komponentu tetrahidrokanabinol (THC), koja je pod rednim brojem 13. liste opojnih droga i rednim brojem 26. liste psihotropnih tvari iz Tablice I „Zabranjene tvari i

biljke“ proglašena kao takva, bijelu papirnu vrećicu u kojoj se nalazila prozirna pvc vrećica sa prozirnim pvc paketićem sa sadržajem bijelo-žute praškaste materije neto mase 8,226 grama za koju materiju je vještačenjem utvrđeno da sadrži psihoaktivnu komponentu amfetamin poznatiju kao opojna droga „speed“, a koja droga je pod rednim brojem 1. Liste psihotropnih tvari iz tablice II „Tvari i biljke pod strogim nadzorom“ proglašena takvom i bijelu papirnu vrećicu u kojoj se nalazi rozi papirni paketić sa sadržajem više fragmenata tableta narandžaste boje za koju materiju je vještačenjem utvrđeno da sadrži psihoaktivnu komponentu „metilendioksimetamfetamin“ (MDMA) i predstavlja opojnu drogu „ecstasy“, a koja droga je pod rednim brojem 12. liste psihotropnih tvari iz tablice II „Tvari i biljke pod strogim nadzorom“ proglašena takvom, a koje opojne droge su mu oduzete od strane ovlaštenih službenih osoba PS Tešanj,

dakle, radi prodaje držao opojnu drogu,

čime je počinio krivično djelo „Neovlaštena proizvodnja i stavljanje u promet opojnih droga“ iz člana 238. stav 1. KZ F BiH, pa se na osnovu istih Zakonskih odredaba i uz primjenu od člana 43. i člana 49. KZ FBiH

## **O S U D U J E**

### **na kaznu zatvora u trajanju od 1 (jedne) godine**

Optuženi se obavezuje da na ime troškova krivičnog postupka-paušala plati iznos od 50,00 KM u roku od 30 dana od dana pravosnažnosti presude.

Na osnovu odredbe člana 238. stav 4. KZ F BiH od optuženog M. P. oduzima se preostala ispitivana i vještačena materija i to psihotropna supstanca tetrahidrokanabinol neto masa 11,620 grama, 0,726 grama, 0,803 grama, 0,853 grama, 0,850 grama i 43,325 grama, psihotropna supstanca amfetamin neto mase 8,194 grama i „metilendioksimetamfetamin“ (MDMA) neto mase 0,769 grama, a koje se nalaze deponovane u PS Tešanj i ista se ima uništiti.

## **O b r a z l o ž e n j e**

Kantonalno tužilaštvo ZE-DO Kantona Zenica optužnicom broj: T04 0 KT 0052055 24 od 27.08.2024. godine, optužilo je P. M. zv. „R.“ sin M. iz V., M. L. broj 229, zbog krivičnog djela „Neovlaštena proizvodnja i stavljanje u promet opojnih droga“ iz člana 238. stav 1. KZ F BiH, na način, vrijeme i mjesto kako je to opisano u dispozitivu navedene optužnice.

Sudija za prethodno saslušanje ovog suda je predmetnu optužnicu potvrdio dana 02.09.2024.godine i zakazao ročište radi izjašnjenja o krivnji.

Na ročištu koje je održano dana 03.10.2024. godine, optuženi P. M. je porekao krivnju po navedenoj optužnici, te je spis proslijeđen postupajućem sudiji radi zakazivanja glavnog pretresa.

Na glavnom pretresu održanom dana 30.07.2025.godine Kantonalni tužilac je pročitao optužnicu te izjavio da u cijelosti ostaje kod svih prijedloga dokaza kako subjektivnih tako i dokaza objektivne prirode koji su navedeni u optužnici.

Optuženi je u uvodnom izlaganju u prisustvu svog branioca izjavio da je tačno da je počinio radnje opisane u optužnici, da priznaje krivnju i da je djelo počinjeno na način, mjesto i vrijeme kako je to opisano u činjeničnom opisu optužnice.

Priznanje optuženog je potpuno i u skladu sa provedenim dokazima na glavnom pretresu odnosno dokazima koji su uloženi od strane Kantonalnog tužioca radi utvrđivanja da li postoji dovoljno dokaza o krivnji optuženog a to su: zapisnik o saslušanju svjedoka N. H. PS Tešanj broj: 08-02-11/1- 1-17-147/23 od 08.02.2023. godine, zapisnik o saslušanju svjedoka H. Č. PS Tešanj broj: 08-02-11/1- 1-17-148/23 od 08.02.2023.godine, zapisnik o uviđaju PS Tešanj broj: 08-02-11/1-1-52/23 od 08.02.2023. godine, potvrda o privremenom oduzimanju predmeta PS Tešanj broj: 08-02-11/1-51 24/23 od 08.02.2023 . godine na ime M. P., zapisnik o izvršenoj radnji privremenog oduzimanja predmeta i popisu privremeno oduzetih predmeta PS Tešanj broj: 08-02-11/1-17/23 od 08.02.2023. godine, zapisnik o otvaranju i pregledu privremeno oduzetih predmeta i dokumentacije PS Tešanj broj: 08-02-11/1-52/23 od 03.03.2023. godine, odobrenje KT Zenica broj: T04 0 KTA 0052055 23 od 16.02.2023. godine, naredba za vještačenje KT Zenica broj: T04 0 KTA 0052055 23 od 16.02.2023. godine, fotodokumentaciju PS Tešanj broj: 48/23 sa datumom fotografisanja 08.02.2023. godine i datumom izrade august 2023. godine, izvod iz kaznene evidencije za optuženog M. P. PU Odžak broj: 08-2/5-3-03-152-180/24 od 23.08.2024. godine, nalaz i mišljenje Federalne Uprave policije Sarajevo, Centar za forenzička ispitivanja, vještačenja i istraživanja broj: 09-18/2-03-5-1189 od 26.02.2024. godine.

Uvjerenje suda da je do priznanja krivnje došlo s razumijevanjem, te da je optuženi svjestan svih posljedica i obaveza koji proističu iz priznanja krivnje, te da postoji dovoljno dokaza o krivnji optuženog, pa je sud i prihvatio priznanje krivnje optuženog.

Iz Zapisnik o uviđaju PS Tešanj broj: 08-02-11/1-1-52/23 od 08.02.2023. godine, Zapisnika o dobrovoljnoj predaji – privremenom oduzimanju predmeta i popisu oduzetih predmeta PS Tešanj broj: 08-02-11/1-17/23 od 08.02.2023. godine, Zapisnika o otvaranju i pregledu privremeno oduzetih predmeta i dokumentacije PS Tešanj broj: 08-02-11/1-52/23 od 03.03.2023. godine i Potvrde o privremenom oduzimanju predmeta PS Tešanj broj: 08-02-11/1-51-24/23 od 08.02.2023. godine, sud je utvrdio da je kod optuženog dana 08.02.2023.godine pronađena jedna prozirna pvc vrećica u kojoj se nalazila biljna zeljasta materija koja svojim izgledom asocira na opojnu drogu poznatu kao „Marihuana“, jedna pvc vrećica sa „Zip“ zatvaračem sa više manjih pvc paketića u kojoj se nalazila biljna zeljasta materija koja svojim izgledom asocira na opojnu drogu poznatu kao „Marihuana“, jedna pvc vrećica sa sadržajem bijele praškaste materije koja izgledom asocira na opojnu drogu poznatiju kao „Speed“ i jedan smotak-papirić roze boje u kojem se nalazilo više komada izdrobljenih komada raznih veličina tableta, narandžaste boje koji izgledom asociraju na opojnu drogu „Ecstasy“, o čemu je sačinjena i fotodokumentacija PS Tešanj broj: 48/23 od avgusta 2023.godine.

Prema Nalazu i mišljenju Centra za forenzička ispitivanja, vještačenja i istraživanja Sarajevo broj: 09-18/2-03-5-1189 od 26.02.2024. godine, zeljasta materija oduzeta od optuženog sadrži psihotropnu komponentu „Tetrahidrocanabinol (THC)“ u procentu veće od Zakonom propisanom, te predstavlja opojnu drogu „Cannabis“, žuto-bijela praškasta materija sadrži psihoaktivnu komponentu „Amfetamin“, a dostavljeni fragmenti tableta u nalazu navedeno pod tačkom 3 sadrži psihotropnu komponentu 3, 4- Metilendioksimetaamfetamin (MDMA- Ecstasy).

Cannabis, Tetrahydrocannabinol (THC), Amfetamin i 3, 4- Metilendioksimetaamfetamin (MDMA- Ecstasy) se nalaze na Popisu opojnih droga psihotropnih materija, biljaka iz kojih se može dobiti opojna droga i prekusora Zakona o sprječavanju i suzbijanju zloupotrebe opojnih droga („Sl. glasnik BiH“ broj: 8/06, 103/08, 51/11).

Iz naprijed navedenih dokaza a što je potvrđeno i priznanjem optuženog, te iskazom svjedoka H. N. i Č. H. nesumnjivo proizilazi da je optuženi P. M. dana 08.02.2023. godine, oko 17,30 sati, na području općine T. u mjestu K. u, dok se nalazio u pmv marke „VW Passat“ reg. oznaka K27 A232, kojim je upravljao N. H., suprotno odredbama člana 4. stav 1., 2., 3. i 5. u vezi sa članom 19. i 20. Zakona o sprečavanju suzbijanju zloupotrebe opojnih droga („Službeni glasnik BiH“ broj 8/06, 103/08 i 51/11) , radi prodaje neovlašteno držao opojnu drogu i to: prozirnu pvc vrećicu sa sadržajem rasute zeljaste materije zelene boje neto mase 11,651 gram, četiri prozirna pvc paketića sa sadržajem suhe zeljaste materije zelene boje neto masa: 0,755 grama, 0,838 grama, 0,881 gram, 0,879 grama i jedna prozirna pvc vrećica vezana u čvor sa sadržajem suhe zeljaste materije zelene boje neto mase 43,350 grama za koje materije je vještačenjem utvrđeno da sadrže psihoaktivnu komponentu tetrahidrokanabinol (THC), koja je pod rednim brojem 13. liste opojnih droga i rednim brojem 26. liste psihotropnih tvari iz Tablice I „Zabranjene tvari i biljke“ proglašena kao takva, bijelu papirnu vrećicu u kojoj se nalazila prozirna pvc vrećica sa prozirnim pvc paketićem sa sadržajem bijelo-žute praškaste materije neto mase 8,226 grama za koju materiju je vještačenjem utvrđeno da sadrži psihoaktivnu komponentu amfetamin poznatiju kao opojna droga „speed“, a koja droga je pod rednim brojem 1. Liste psihotropnih tvari iz tablice II „Tvari i biljke pod strogim nadzorom“ proglašena takvom i bijelu papirnu vrećicu u kojoj se nalazi rozi papirni paketić sa sadržajem više fragmenata tableta narandžaste boje za koju materiju je vještačenjem utvrđeno da sadrži psihoaktivnu komponentu „metilendioksimetamfetamin“ (MDMA) i predstavlja opojnu drogu „ecstasy“, a koja droga je pod rednim brojem 12. liste psihotropnih tvari iz tablice II „Tvari i biljke pod strogim nadzorom“ proglašena takvom, a koje opojne droge su mu oduzete od strane ovlaštenih službenih osoba PS Tešanj, čime su se u ovakvim radnjama optuženog stekla sva bitna obilježja krivičnog djela „Neovlaštena proizvodnja i stavljanje u promet opojnih droga“ iz člana 238. stav 1. KZ F BiH, pa kako je optuženi bio svjestan svog djela i htio njegovo izvršenje te kako ne postoje okolnosti koje isključuju krivičnu odgovornost optuženog to je sud optuženog oglasio krivim i osudio kao u izreci ove presude.

Prilikom odlučivanja o vrsti i visini krivično pravne sankcije na strani optuženog sud je cijenio sve okolnosti koje su od uticaja za odmjeravanje kazne. Od olakšavajućih okolnosti sud je našao da je optuženi priznao izvršenje krivičnog djela i time doprinio bržem okončanju krivičnog postupka, odnosno njegovoj ekonomičnosti i efikasnosti, da se kaje, njegove lične i porodične prilike, da je nezaposlen i da je lošeg imovnog stanja. Od otežavajućih okolnosti sud je našao da je optuženi do sada osuđivan, od kojih prema Izvodu iz kaznene evidencije brisane su osude po presudi Osnovnog suda u Modriči od 16.04.2007.godine i 03.04.2008.godine, te po presudi Općinskog suda u Orašju od 03.02.2010.godine, pa je optuženog osudio na kaznu zatvora u trajanju od 1 (jedne) godine sa uvjerenjem da će se sa izrečenom kaznom zatvora u cijelosti postići svrha kažnjavanja, kako sa aspekta generalne, tako i sa aspekta specijalne prevencije.

Na osnovu odredbe člana 238. stav 4. KZ F BiH od optuženog M. P. oduzima se preostala ispitivana i vještačena materija i to psihotropna supstanca tetrahidrokanabinol neto masa 11,620 grama, 0,726 grama, 0,803 grama, 0,853 grama, 0,850 grama i 43,325 grama, psihotropna supstanca amfetamin neto mase 8,194 grama i „metilendioksimetamfetamin“

(MDMA) neto mase 0,769 grama, a koje se nalaze deponovane u PS Tešanj i ista se ima uništiti u skladu sa odredbama člana 194. stav 3. KZ FBiH.

U skladu sa odredbama člana 202. stav 1. ZKP FBiH, optuženi je obavezan da na ime troškova krivičnog postupka-paušala isplati iznos od 50,00 KM u roku od 30 dana od dana pravosnažnosti presude.

Na osnovu svega navedenog sud je odlučio kao u izreci ove presude.

**PRAVNA POUKA:**

Protiv ove presude dozvoljena je žalba  
Kantonalnom sudu Zenica u roku od 15  
dana od dana prijema presude.

**Sudija**

Ajanović Besima